

ARUBA ANSE COURANT



Uw kinderen
groeien beter met
DOMO MELK
agente:
Veld Stores

Dagblad

voor Aruba

A refreshing drink

7-Up....

agents:

Veld Stores

Instala aireacondi
cionado na Bo
Cas AWOR!!



tel. 2170

20STE JAARGANG

DONDERDAG 28 AUGUSTUS 1958

No. 3220

Declaracionnan di Eisenhower:

Merca lo mantene su responsabilidad respecto China Comunista

**Ataque nuclear contra Merca lo
nifica destruccion general**

WASHINGTON, 27/8. — Presidente Eisenhower a declara cu Merca lo no bandona su responsabilidad en conexion cu China nacionalista, pero el a nenga di bisa kiko Merca lo haci si e comunistanan Chines mester baha na Quemoy y e islanan di Matsu.

Merca lo cumpli cu e declaracionnan di gobierno tocante defensa di Formosa. Mehor cos cu por haci actualmente ta mantene e declaracion di Dulles di dia sabra, tocante e actividad militar dje Chinesnan comunista den caya di Formosa, den cual el a bisa cu ta peligroso pa kere cu un ataque riba e islanan dilanti di costa di China lo keda un accion limitada.

President Eisenhower a declara cu e ta dispuesto na firma cualquier documento huntu cu Krutshof, basta cu e documento ey lo trece non-intervencion den e asunto interno di otro pais. El a bisa asina como comentario riba un articulo den corant cu Stevenson, e candidato presidencial dje demócratan, a scribi. Durante su biaha door di Rusia Stevenson a tende Krutshof bisa cu Rusia, Merca y otro pais lo mester firma un tal declaracion.

AIR CONDITIONING

Destruccion general atómico
Presidente Eisenhower a declara, cu un pais cu ta basta loco pa ataca Merca cu arma atómico, lo worde destrui.

El a bisa asina en contestacion riba un pregunta en conexion cu e diferencia di opinion duna algun tempu pasa riba e pregunta si Merca lo ta dispuesto nunca na duna su mes

over pa evita cu mundo lo worde destrui pa medio di arma atómico. un periodista a puntra, si Merca nunca por worde derrota den un prome ataque enorme cu arma atómico y si e presidente ta di opinion cu Merca mester hanja e „prome klap“.

Eisenhower a contesta, cu varios bez guerra sa cuminsa bao di circunstancia inespera.

E presidente no a mira motibu pa Merca mester ta obliga di tuma e „prome klap“. Merca mester ta alerta. Ta kens tambe pa bisa cu Merca por worde derrota den un gran prome ataque, pa e motibu simple cu

Merca tin asina tanto forza pa bringa bek cu tur pais cu ta basta loco pa trata di ataca Merca cu arma atómico, lo hanja su mes destruccion.

Declaracion tocante Little Rock

Presidente Eisenhower di Merca a anuncia na su conferencia di prensa cu gobierno Mericano lo presenta un declaracion den e asamblea especial li corte supremo, tocante e asunto Little Rock. Esey lo aplica e punto di bista, manera el a expresele siman pasa, esta cu gobierno di Merca lo no bandona su responsabilidad, si nan mester ignora e ordenan pa integra e rasanan na e scolnan pa malu. El a contesta un pregunta tocante su opinion di deseo di Faubus pa buta un mes ley manera esun di Virginia, segun cual tur scol di estado por worde cerra cu eliminacion obligatoria dje separacion racial, biesando cu si mester aplica un tal ley esey lo tin un resultado miserabel. El a bisa ademas cu accion segun e sorto di leyman ey lo worde sigui pa un gerie di proceso.

Candidato Di N.V.P.-A Figaroa A Worde Poni Bao Presion Y A Cambia Bai Pa P.P.A.

ORANJESTAD: — Felipe Benito Figaroa, number 11 riba lista nr. 4, di N.V.P.-A a cayi evidentemente pa un presion fuerte cu a worde poni riba dje di banda di P.P.A. y Dialuna haci durante un reunion di campana dje ultimo partido na Sabana Libre a bisa un declaracion cortico, na unda e ta declara cu P.P.A. ta e miho partido di Aruba y cu e ta ehebra su mes di tabata como candidato riba lista di N.V.P.-A.

Y cu esaki un dia di bopi presion fuerte riba Figaroa a jega na su fin. E por a sinta trobe den un auto di dienst cu un number chiki, cual tambe a hibe na e reunion. Ta parse, a sina por lo menos nos por a reconstrui den curso di atera, cu Figaroa tabatin debe atraza di belasting, tanto na Land como na Eiland. Den total esaki lo a forma un suma di siecien florin. Dialuna e ta ricibi un dwangschrift entrega na cas cu e medidanan di costumbre di ponementu di belag etc. Pero irato despues cu

e la ricibi e dwangschrift a jega un persona serca dje, mencionando cu e ta bini di un miembro haltu di su partido cu e respondi, cu „asunto aki por worde regla“, si e anochi aji e declara publicamente cu e ta cambia di partido. Riba sugestion dje miembro di partido Figaroa ta bai na Ontvangerskantoor y ta trata — manera masha hopi biaha ta worde haci — pa jega na un acuerdo cu nan. Segun e empleado na servicio ta avise cu su proposicion no ta satisfactorio pa jega na un acuerdo. Despues dje saki e ta bai su cas. Un biaha mas e persona intermediario ta jega serca dje. Awor cu e respondi, cu e tin 24 ora di tempo pa pensa. Si acaso e cambia di partido, su recompensa ta: „un arreglo dje belasting pendiente y tambe un job den servicio di gobierno for di 1 di September.“ Figaroa ta un mecanico y ta haci reparacion di auto na su cas. E ta trahando riba su mes.

E la pidi tempo pa e pensa, durante e tempo aki N.V.P.-A a trata di intermedia: pero toch e mes un anochi Figaroa tabata para riba podio di PPA cu un papel den su mannan cu su discurso cortico.

Segun nos ta worde informa mas



Felipe B. Figaroa




Baby's certainly growing well — on
Lactogen

WISDOM MOTHERCRAFT... the guidance of your own doctor... and choice of food are vital at this stage of your baby's development. Turn with confidence to Lactogen, balanced, all-milk Lactogen for bottle feeding requirements.

LACTOGEN IS CONVENIENT to use, uniform and safe and so easy to digest. It is of great benefit in avoiding and even correcting underweight conditions.

• A modified whole cow's milk in powder form with added vitamins A and D and iron.
• You mix it with hot water, boiled water — and baby's bottle is ready!

FREE
BABY'S DIARY
to record baby's
first 4 years.
32 pages,
in color.
Send name and
address to



N.V. WINKEL'S HANDEL MAATSCHAPPIJ,
P.O. Box 137, Oranjestad

MILON....

TAN DUSHI....

PIDIE NA BO TIENDA PREFERI

TA OTRO PRODUCTO DI

VITAVEG

**Hamarskjoeld a yega
Amman**

AMMAN, 27/8. — Secretario-general Hamarskjoeld di Nacionnan Uni a yega Amman, capital di Jordania, awe, y lo e cuminsa cu e mision pacifico cu asamblea general a dun'e. Prome ministro Rifai tabata presente na e aeropuerto entre otros pa ricibi e secretario-general di Nacionnan Uni.

VOETBAL ARUBA VOETBAL BOND

ta presenta

AWENOCHI 28 DI AUGUSTUS 8'or

den

WILHELMINA STADION

JONG ARUBA

VS

MARINIERS
Competitie A-klasse

ENTRADA: Tribune f 0.50 Staansplaats f 0.50
DOS MUCHA COE UN KAARCHI

VOETBAL

VOETBAL

PARTICIPACION

Riba peticion especial nos a dicidi di r... sone e fecha di termino pa nos
CONCURSO DI FOTO-KODAK
pa dialuna di prome di September venidero

NEME IMPORT EXPORT

aleuw awe noch durante su reunion na Dakota N.V.P.A lo pone henter e asunto aki na conocimiento di pueblo.

„Conjunto Basi Rutí“

ORANJESTAD. — E conjunto conosi „Conjunto San Fernando“, di e tata cu su siete jiuana, senior J. Arrindell, a cambia number di nan conjunto y di awor pa dilanti e number ta „Conjunto Basi Rutí“. Awe ora cu Santa Rosa jega, e lo toca pa prome biaha bao di su number nobo. Despues den dia, e conjunto lo toca na Basi Rutí. Mientras tanto senior y senjora Arrindell a hanja di nuebe jiu homber acera.

500 carta di jamada sin entrega

ORANJESTAD. — Di servicio informativo nos a worde informa, cu Bevolkingsbureau a hanja devuelto 500 carehi pa jamamentu pa votacion cu no a worde entrega. E controlador di Bevolkingsbureau mientras tanto a logra di entrega 228 di nan. Asina ta keda 272 ainda pa entrega. Tur e personanan cu no a ricibi di nan te ainda acudi na e departamento di Bevolkingsbureau aki mas liher cu ta posibel. Aja lo bo hanja bo carehi.

Noticia di Polis

Den vecindario...

ORANJESTAD. — Den nos edicion di dia 26 door di un error nos a publica cu tabatin un pelea di Deli Bar, nos intencion tabata di scribi „pelea den vecindario di Deli Bar“. E pelea no tabatin nada di haci cu e Bar aki. Por medio di esaki nos kier rectifica e descuido.

Dalmentu I

Diamars anochi A-1936 cu e chofer R.K., den curva di Emmastraat y Argentinstraat a dal na banda dje auto A-1970 di F.P. cual tabata parkeer un cantu di caminda. Danjo f 400.—. Motivo influencia di bebida.

Irregularidad durante reunion di PPA

Durante un reunion cu PPA a tene na Sabana Libre Diamars anochi varios irregularidad a tuma lugar. Door di hendenan cu menos respect tabatin bentamentu cu webo putri. Un senior burachi cu tabatin gana di haci desorde a worde hiba warda, y a worde deteni. Un cu otro varios biaha polisnan mester a duna un man pa mantene calma.

**Pa tur bo asegurado
FATUM — Tel.: 1845**

Dalmentu II

Ajeda tardi pa 4.15 riba e boulevard nobo mitar di caminda di Eagle y DOW, e auto A-4499 cual tabata bai kita pa robez riba e caminda di santu pa haci un shortcut, a hanja un golpi di patras door di un M.G. A-1093 cu J.D. na wiel, cu tabata pasa net e ora aji. Danjo ta worde valua riba f 1.500.—. E chofer dje M.G. mester a worde hospitaliza.

Hanja

Basilio Kelly a hiba tres jabi, un foto y algun papel, cu e la hanja abao, na warda di polis na Oranjestad.

Dennis, de Schrik van de Buurt



„Ik wil ALLES op mijn boterham hebben.
Ook een HAMBURGER!“

„Mi ke TUR cos riba mi pan. HAMBURGER tambe!“

Bapor cu arma a sali di Sto. Domingo pa Venezuela

CARACAS, 27/8. — Teniente-coronel Victor Garrido, comandante den ehercito di Venezuela, a declara awe pa periodistanan, cu segun un noticia cu el a ricibi un bapor cu arma di guerra a sali di Santo Domingo y ta na caminda pa Venezuela. Teniente-coronel Garrido a bisa cu tur e destacamentunan dje guardia nacional, cu ta staciona na costa dje pais, a ricibi order pa trata di arresta e bapor y su tripulacion. A bordo dje bapor ta biaha entre otros Ulises Ortega, un personage siniestro ken- de tabata cabezante dje brigada social politico dje servicio di seguridad nacional di Perez Jimenez. Parce cu

e bapor a sali di Santo Domingo dia luna mainta maduga. No solamente e lugarnan na costa dje pais a worde alarma, sino tambe Caracas, Maracay, segun e militarnan e colocacion di mas fuerte; y e puntonan strategico dje pais. Tin rumor masha alarmante segun cual lo tin un rebelion militar, pero te na e momento aki ta reina tranquilidad absoluto na henter Venezuela.

Proyecto di ley aproba na Arkansas


LITTLE ROCK, 27/8. Tur dos e camaranan di parlamento di Arkansas a aproba cu un gran mayoria e proyecto di ley cu gobernador Faubus a presenta, y cu ta duna e gobernador autorizacion pa cerra e scolnan na luga di cumpli cu e eliminacion obligatoria dje separacion racial.

Segun observadornan parlamento a actua extraordinariamente lihe pa presenta corte tribunal cu un hecho cumpli ora cu e bap discutit e asunto Little Rock na Washington mayan.

**Pa un mehor
Antillas Hulandes
vota pa**

N.V.P.-A. Lista 4

(Advertentie)



CINE
AWENOCHI,
28 DI AUGUSTUS

DE VEER THEATER

8.30'or
Fls. 1.50

Tur edad
Fls. 1.00

„KELLY AND ME“

cu: Van Johnson — Piper Laurie — Marjorie Hyer
(Kelly y Yo)

RIALTO

8'or
Fls. 1.00

18 anja
Fls. 0.75

„THE D.I.“

cu: Jack Webb — Don Dubbins.
(Alma de Roca)

PRINCIPAL

8.00'or
Fls. 1.50

18 anja
Fls. 1.00

„THE ENEMY BELOW“

cu: Robert Mitchum — Curt Jurgens
(El Zorro del Mar)

AURORA

7.30'or
Fls. 0.75

18 anja
Fls. 0.75

1. „SOUTH PACIFIC“

(El Cargamento Escondido)

cu: Rex Allen

2. „JAGUAR“

(Jaguar)

cu: Sabu — Chiquita — Barton Mc Lane

SAVANETA

7.30'or
Fls. 0.75

18 anja
Fls. 0.75

„MEN IN WAR“

(Brindis de sangre)

cu: Robert Ryan — Aldo Ray

Y AWOR

E SUPER SENSACIONAL CONCURSO

MARLBORO — e cigarilla di filtro ku ta protejebo mihor ku cualkier otro sin strobabo di goza e sabor di su finisimo tabaco..

PHILIP MORRIS — e cigarilla di tabaco puru y natural di miho den Amerika y e unico ku no ta irita bo garganta.

PARLIAMENT — e cigarilla ku ta retene absolutamente tur nicotina y tar den su "recessed filter". Y....

SPUD — ku su suave sabor di mentol.

Tin e placer di ofrecebo nan grandioso concurso den cual bo por gana UN... of TUR di e siguiente premionan.

PROME: Un auto Hillman Minx model 1958 (Di cuatro porta cu comfort pa henter famia) Valor.... Fls. 3.800.—

DI DOS: Un set di muebel di sala lujoso (Un sofa, Dos stoel y Un mesa) di un valor di Fls. 735.00

DI TRES: Un stoof di gas grandi Marca "VESTA" di Fls. 450.00

DI CUATRU Un wasmachine electrico Marca "SPEED QUEEN" di Fls. 310.00

Si... bo por ser ganador di UN... of di TUR CUATRU di e premionan aki ofreci pa MARLBORO... PHILIP MORRIS... PARLIAMENT y... SPUD, pasobra si bo merece tur cuatru... anto tur cuatro lo bo hanja.

LESA CON FACIL TA PA BO PARTICIPA DEN E CONCURSO AKI:

Pa cada trinta (30) paki bashi di MARLBORO, PHILIP MORRIS, PARLIAMENT, of SPUD, of di nan cuatro combina ku bo trece na oficina di.....

MANSUR TRADING CO.

HENDRIKSTRAAT 8, — ORANJESTAD

huntu ku bo contesta na un di e dos siguiente preguntanan bo lo obtene un ticket numerá. Tur ticket ku tin e contestacion correcto na un di e dos preguntanan lo participa den e grandioso concurso aki.

E PREGUNTANAN TA:

1. Cuantu letter E tin riba un paki di cigarilla MARLBORO y kiko ta significa e palabranan VENI VIDI VICI den e EMBLEMA di e paki di MARLBORO?
2. Cuantu color distinto tin riba un paki cera di cigarilla PHILIP MORRIS y cuantu letter I tin riba e mes paki?
(Bo por escohe un di e dos preguntanan aki.)

CORDA BON: Bo por participa ku mes tantu ticket ku bo ta desea, pero corda tambe ku **MAS TICKET BO TIN, MAS BO CHENS TA** di gana UN... of TUR CUATRU PREMIO

CUMINSANDO DIA PROMER DI SEPTEMBER Y TE DIA 31 DI DECEMBER PA 12:00 DI MERDIA bo por cambia bo paki bashinan di MARLBORO, PHILIP MORRIS, PARLIAMENT, of SPUD of di nan cuatro combina (Trinta - 30 - paki bashi pa cada ticket) na oficina di:

MANSUR TRADING CO.

HENDRIKSTRAAT 8, — ORANJESTAD

y tur premio nan lo wordu entrega na e ganador of ganadores dia dos di Januari 1959 **SIN FALTA.**

CUMINSA SPAAR BO PAKI BASHINAN DI MARLBORO, PHILIP MORRIS, PARLIAMENT, Y SPUD AWE MES!!! Y PARTICIPA DEN E SUPER-SENSACIONAL CONCURSO AKI.



Ta e cigarillanan

MARLBORO

PHILIP MORRIS

PARLIAMENT ... y

SPUD

so por ofrecebo es oportunidad y ventajas nan aki.



Materiales
de construccion

SHERWIN WILLIAMS
Better quality - lower prices
ARUBA TRADING CO.
Deposito - Weststraat

KEES GROCERY N.V.
John G. Emanstraat 30
Tel.: 1079
E number, cu den poco dia
a bira conoci

PARTICIPACION
Ayer mainta pa 10.30'or e rifa na beneficio di N.V. "RAPID" a tuma lugar y tabatin como resultado:
No. 264 Machien di Laba Panja
No. 590 Television
Portador di e numbernan menciona aki riba sea asina bon di acudi mas pronto posibel cerca Sr. M. Arends na Savaneta 95 pa tuma nan premio.

President di "Rapid"
M. ARENDS

GRADICIMENTO
Pa medio di es lineanan aki, nos ta expresa nos mas sincera gratitud na Dr. van Dongen, Dr. van Nidek, Soeurman y verpleegsterman di San Pedro Hospital pa can bon trato y nan cuidanza excelente, especialmente rumannan, su brina y subrinonan, demas familia, amigo y conocirnan pa nan atencion y cariño muestra durante su enfermedad y morto, na tur esnan cu di un manera of otro a muestra nan atencion na ora di interio di nos inolvidable y querido esposo y tata

Aloysio (Wichi) Maduro
(Q.E.P.D.)
Cu bon Dios recompensa nan tur pa nan bon intencion.
Na number di su señora
Vda. JOSEFINA MADURO y Jioeman

PARA DELEITE DE TODOS—

ES SOPA CONTINENTAL DE POLLO Y FIDEOS. LA HICE EN 7 MINUTOS. ¿VERDAD QUE ES SABROSA?

Un paquete da para 4, pero como gusta tanto mejor es comprar tres paquetes de una vez.
Prueba también la Sopa Continental de Vegetales
SOPA CONTINENTAL
DE POLLO Y FIDEOS
ARUBA TRADING COMPANY

PAGINA TRES
Tension den estrecho di formosa ta reduciendo
TAIPEH, 25 aug.: — Segun a worde informa di Taipeh e comunistanan Chines a reduci nan tiramentu riba Quemoy, desde medianochi ayera nochí nan ta tira di bez en cuandó sol. Segun rumornan obstinado na Taipeh 2 pilot di avion di reaccion „MIG“ a scohe parti China Nacionalista awe. Nan a baha cu nan avionnan comunista na un base cerca Taipeh, na Formosa. E autoridadnan Nacionalista no quier confirma ni desmenti e noticia aki.

Ministerio di defensa di China Nacionalista a desmenti e rumornan obstinado na Formosa, segun cual algun pilot comunista a hui bai Formosa cu nan avionnan di reaccion „MIG“.

Awe e comunistanan Chines a informa, cu nan avionnan di reaccion a tira un dje 8 cazadornan Nacionalista y a destrui e avion. Segun nan e avion a bula over dje provincia costal di China Comunista, Fukien, ayera nochí.

Opinion di „Washington Post“ — E corant Mericano „Washington Post“ a scribi, cu Merca a hanja su mes den e guerra di nervio rond e arquipelago di Quemoy sin cu tabata necesario. E corant ta acusa Dulles, cu e ta-larga China keda insegur si Merca lo defende e islanan ey si of no, podiser, asina e corant a scribi, e ultimo aviso Mericano lo ta suficiente pa evita cu China comunista lo haci un ataque directo. Pero si esey no ta e caso, Merca por scohe entre moderacion di su tono bao di presion of un guerra — posiblemente cu arma atomico — na e lugar robez, na e momento robez y pa algun pida terra no cu tin importancia.

E corant a scribi cu ta claro cu Merca tin un motibu politico pa su accionnan y no un motibu militar. Casi no por hanja un estrategia responsable cu ta di opinion cu mantenimento di Quemoy y e islanan di Matsu ta di importancia esencial pa defensa di Formosa of e islanan di e piscadornan, cual islanan Merca ta obliga di defende, segun un pacto.

E corant Ingles „Liberal News Chronicle“ ta di opinion cu Merca mester trata di convence Chiang Kai-Shek cu e mester bandona e islanan di Quemoy y Matsu pasobra nan no tin bator estrategico.

E corant „Daily Telegraph“ ta di opinion cu aki ta toca un asunto di prestigio entre Merca y China.

Arrestacion di Charles Hormel

MIAMI, 27.8: Charles Hormel, un exportador di bestia di Miami a worde arresta door dje autoridadnan di duana awe y ta worde acusa di a hiba arma pa e lider rebelde, Fidel Castro, for di Merca pa e provincia di Oriente, na Cuba. E autoridad norteamericano a bisa cu Hormel a maneha un avion cu a yega Cuba dia 16 dje luna aki cu un carga di arma y municion abordo.

Nan a acusa Hormel di exportacion ilegal, pero despues di 24 hora el a hanja su libertad pa un garantia di 2500 dollar.

Hormel ta desmenti tur acusacion y ta bisa cu dia 16 dje luna aki e tabata na Alabama, Merca.

Nos coleccion nobo di

Set di dormitorio y set di comedor

di Hulanda y America

di caoba blanco — blank berken — blank y donker notenhout

ta masha decorativo y trabau fini.

Un gozo pa bo wowonan y un „rico posesion“

HACI NOS SHOWROOMNAN UN BISHITA

MESKER

NASSAUSTRAT 7
Tel.: 1325

Cumpleaños feliz
PA CORTESIA DI KAN
E MEHOR CAS DI REGALO

Awe ta drenta nan enlace matrimonial e feliz pareja Leandro Maduro y Leonida Ras. Felicitacion ta bini especialmente di personal di Arubaanse Courant cu ta desea nan hopi felicidad den nan bida matrimonial.

Ayer a celebra su cumpleaños Francisco Heyden. Felicitacion ta bini di su mama, tata, ruman, Presentacion, Pablo, Paulita, Veronica, Salomon, Mariano, Thomas, Dominico, esposo, pepe Eufracia Tromp, omo Pedro Heyden, amigo Candido.

Ayer a haci su 16 anja e caballerito Hose Luydens y ta ser felicitado pa su tata Benny, su mama Shon, su rumanan Francisca, Carmen, Denisia, Juliana, Ignacio, Ina, Annie, Roland, Eulali, su subrinanan Olivia, Feli, Gil, Rubino, Adelaida, Manuel Faro, su swanan Lino Gil, Antonio Faro, Cecilio Faro, su omo y tantanan, su primo y primanan, su amigonan y demas familiarnan.

CADA REGALO TA BONBINI PERO DOBBEL BONBINI TA
Un REGALO compra serka KAN

Hose Wever a celebra su cumpleaños ayera y ta ser felicitado pa su esposa Ninita, su junan Benito, Edwin, Lena, Mirto, Swinda, su tata, su mama, su ruman, su conijanan y familia Paesch.

Ayer a cumpli anja casa, señor Jan Geerman y senjora Felisia Geerman y ta ricibi hopi felicitacion di nan junan Maria, Juan Candi, Alberto, y tambe di Johan, Ceril, Alcida, Antonio y demas familia Geerman.

E hobencito Jorge Henriquez kende awe ta celebra su 5 aniversario ta ricibi hopi pabien di su tata Jonco, su mama Betty, su rumanan Chita, Felipe, Mena, Fernando, Michael, su wela y tantanan, su padrino, Jan Maduro, su madrina Chindi de Kort.

Ayer a recorda nan 5 anja matrimonial señor Antonio y senjora Emilianna Tromp. Felicitacion ta bini di nan junan Edwin y Rudi y demas familia.

Ayer a cumpli anja e hobencito Josefina Bremen y ta ricibi hopi felicitacion di su tata Mani, su mama Rienchi, su rumanan Beto, Juan, Fania, Chonai, Nici, su wela, su tatanah y ononah, primonah y primanan, su madrina y padrino, su conija conja Rica Bremen y tambe di Luci Bremen.

Awe ta celebra 60 anja di feliz existencia na New York señor Augustinus Thode, pa cual motivo e ta ricibi cordial felicitacion di su esposa Adelita, junan Francisco, Edna, Hilario, Harian, Lino, Ronald Franklyn, y Victor na Aruba, tur su familiar na Estados Unidos, especialmente di Ruben Nicolaas y tambe di tur amigo y conociman.

Sra. Agustina Boekhoudt ta celebra su fecha natal awe y e ta ser felicitado pa su esposo Johannes, junan Johani-

AGENDA
Diasabra 28 di Augustus
CINE
DE VBER 8.30: Kelly and Me
RIALTO 8.00: The D.I.
PRINCIPAL 8.00: The Enemy Below
AURORA 7.30: 1. South Pacific Trail 2. Jaguar
SAVANETA 7.30: Men in War

TAORO - MANGO juice

BOTICA DI WARDIA
Botica Oduber

AIR CONDITIONING

RADIO CARACAS TELEVISION
Canales 2, 7 y 10
7.15 Informa oficial
7.20 Informacion sobre los programas del dia
7.30 Lo de hoy
9.30 Pelicula
11.00 Cita a las once
12.00 Show de las doce
1.15 Noticiero del Mediodia
1.45 Pelicula
4.00 Club femenino
5.00 Cosas de mujeres
5.30 La perfecta ama de casa
6.00 Circo en el aire
6.15 Banco de sangre
6.30 Cortos
6.45 Encuentro con la vida
7.00 Cortos
7.15 Novela Unico
7.30 Patrulla de caminos
8.00 El Observador Creole
8.15 Novela Palmolive
8.30 Viaje por Aeropostal
9.00 Novela Camay
9.15 Novela I & M
9.30 Documental
10.30 Cine-programa
12.00 Marcha oficial.

y... MESKER ta drecha mi MUEBELNAN

...ORANJEBOOMBER...
Bo ta sinti bo manera un „Rey“ ora bo ta bebe Cerbez...

ta. Hose, Lucio, Evrem, Jopi, Lina, Yolanda, David, Ruben, Reina, Franklin, di parti di comer y compenar y demas familia Boekhoudt, Britten y de Cuba.

Awe ta celebra su feliz cumpleaños Senjorita Aida Loopstok na Curacao. Felicitacion ta bini di su mama Adela, tata Hose Loopstok, rumanan Roberto, Edna, Edgar, y Ezequiel Loopstok, su prima Graciela Sanchez, su prima Rosa Olinda Delanoy na Curacao y familia Delanoy na Aruba.

Tambe ta celebra nan fecha natal awe: M. Wernet, Rosa Tromp, Rolando M. Kelly, Efi Croes, Osmar Miguel Carrera, Rosimbo van der Biezen, Joseph Maduro, Jorge Henriquez, Carmen Henriquez, Ana Filomena Croes, Giovaoni M. Kelly, Ronald Nassy, Rosita Figueroa, Placida de Henriquez, Brigida Kwidama, Jose Luidens, Agustin Dubero, Felipe Nicasia Hoevertsz y Aleira Werleman.

Dokter D U S S E N B R O E K
Pa un Aruba mas justo
U. N. A. LISTA 2 No. 3

(Aviso)

Oduber & Kan inc.
Opticians tel. 2193
TA PRESENTA
Un amor cu trastorno

Pa TUVUICHL No. 40

Riba e camina silencioso door di e campo cu su dushi oloran di flor, cu solo cu tabata quima riba nos lomba y riba lomba dje cabal, e historia dje complot traha contra mi y mi detencion tabata parece mes improbable cu intriga dje melodrama.

Pero ora cu m'a caba di papia el a bisa:
"Ta quico mi por haci pa mi yuda bo?"
"Unda bo ta bai?"
"Na curicu di e anciano Holwell. E ta muriendo y nan a pidi mi di bin asisti den su ultimo oranan."
"Pues lo bo por tin e bondad anto di biba mi Warehouse, na station? Esai

mester bai prome cerca e mulibundo. Pa bo mala suerte mi n' sali tamponcu cu placa. Pero Sra. Holwell lo no nanga di fia e plata di un kaarchi pa Londen cu freid, pasobra esai ta un bagatel."
M'a sobrecarga cu palabranan di gratitud.
Nos no a pupia nada mas te ora cu nos a alcanza na e curicu. Nos a drenta cura dje cas y a para dilanti porta.
"Bo quier queda spera aqui of bo tambe ta bai paden?" domi Fane a puntra Beth na su manera curujoso.
"Si bo n' tin nada contra, mi ta prefera di queda aqui", el a responde.
E pensamiento sol numi di mester a bolbe hanje meimei di cuater muraja tabata insoportable pa mi. Mumentu e cielo liber riba mi cabes mi tabata sinti mi salvo awor, pasobra mi a perde tur sorto di confianza den humanidad.
"Manera bo ta desea, mi yiu. Mi n' ta quere cu lo mi tin mester di tarda mucho aqui tampoco."
El a lanta para quita su jas di stof, el a lora esaki y a pone bao dje banki y a entrega mi e frenanan. Despues el a sali foire shers.
Pero te ora cu e quier a bai paden, un cos a dal na mi sinti y m'a puntre: "Domi Fane ta qui fecha awe ta?"
Promi cu e responde, el a draai mira mi cu un bista strango, mecos cu bo por a mira un hende cu bo ta quere cu su cabes no tabata mucho pareu:
"Awe ta dia 20 di september, mi yiu."
Bisando asina el a abri e porta y a drenta e cas.
M'a lepa p'atras y m'a cerra mi wonan. Diez luna, diez luna largo m'a queda cerra den mi cel. Diez luna den un eueba scur. No ta nada strango anto paquico mi wowonan ta haci due awor den luz di merdia. M'a estremece y mi tabata sinti mi manera cu calafriu. Mi cabes tabata bati. M'a zak pa mi a cohe e jas di e domi cu intencion di tire riba mi curpa, pero mi mannan tabata tembla asina tanto, cu mi mester a larg'e cal trobe. E ora ai m'a tende zondo di placan. M'a cohe e jas fuerte y m'a hinka mi man den e sacunan asina ancho dje jas y m'a hanja un carterita unbez. Tabatin den dje un placa di oro cu 14 chilin.
Den mi ora tabata resona ainda eco di su palabranan:
"Pa bo mala suerte mi no a sali tampoco cu placa."
N' ta placa esakinan tabata anto? Aquel den mi man mi tabatin mas tanto placa cu tabata necesario pa un kaarchi pa Londen, mucho mas mes."
E ora ai m'a comprende cu ta den trampa e quier a cohe mi. Y mi quier a convence e domi aki solamente di un cos, cu en realidad mi n' tabata asina loco manera nan tabata quere di mi. Su unico intencion tabata di a hiba mi y pa haci esai e tabatin mester di ayudo, pasobra un hende loco sa ta masha fuerte y mas loco e bira mas fuerte e tabata. Y aqui na curicu ta conoci cu tin hombernan duro manera stal.
Mi horror a duna mi animo y forza nobo. M'a rancia na e frena y m'a pone e cabai na carada. Y locue nunca mi n' haci, m'a haci awor. M'a cohe zwien y m'a pone e cabai comprende ta qui-

co tabata mi intencion. Yegando den curicu m'a dirigi e shers riba camina di Warehouse. Riba barca di cerru dje luga ai e animal a mengua su velocidad, pero awe mi no tabata conoce compasion y zwiep a pone e bestia comprende cu mi tabata den apuro.
E camina aqui tabata asina malo cu burauc y baranca cu m'a quere sigur cu nos lo a queda na mitar di camina.
Ora cu tabata posible, mi tabata tira un bista mi tras, pero mi tabata manda asina tanto stof den mi velocidad cu mi no por a mira nada otro. Pero ta te ora cu m'a yega riba un camina di gruis trobe m'a draai mira mi tras y m'a distingui un garoshi di cuater wiel ta bini mi tras, hala pa un cabai pretu grandi.
Cu gritonan y zwiep mi tabata trata na apura mi viaje. Sinembargo pa mi mas grandi desenganjo mi tabata convence mi mes cu mi cabai no tabata por a corre mas duro, mientras cu e shers nos tras hala pa un cabai balente y fuerte tabata haci e distancia entre nos dos mas y mas chiquito.
Na un bochi na camina, e felicidad tabata favorable pa mi. M'a caba di pasa un curicu, ora cu cura di entrega a abri y un troshi di carne a sali.
Nan a spanta corre plama pa tur banda y un paar di mucha cu quier a mandan den un direccion contrario a haci e cos mas grandi ainda.
Un poco despues m'a mira e camina dje station. E palupan pinta corra cu blancu tabata resuscita alitu na laria mi dilanti.
Pa 12'or di merdia tabatin un trein ta sali di fo'i Dorchester pa Londen,

carga mi, hiza mi bai hiba den un cuarto chiquito ahbanda. E watchman di camina a murmurar algo y a bai ato, probablemente p'a bai abri e porta. Ora cu el a regresa el a cohe un botter fo'i rekki, a basha algo dje contenido den un koppi y a tene esaki na mi lipnan.
Automaticamente mi tabata bebe e liquido aki. E brandy sterki tabata quima mi den mi garganta y a pone mi tosa, pero e a pone mi espiritunan regresa. M'a purba lanta para, pero suavemente e homber aqui a pusha mi a tras trobe.
"Calma bo, senjorita, ta paquico bo tin asina tanto apuro? Ta pa quende bo ta corre?"
Pa dos homber den un shers. Nan quier hiba mi trobe cerca mi tata.

(E ta sigui)

DAMAS,
200 diferente montuur
nos tin pa bo bril.
Semper bo por ta encantada
dora. Gracias na
ODUBER - KAN N.P.
Optico


EL CISCO KID



E handiconan a lastra Cisco bay cuné y nanja maré, y un di nan ta manda pushe den caha. Nan mester haci purá promé cu nan bin buscu Cisco. Panchito ta sinta ainda den e restaurant. E sirbienta ta informé cu e por haya pastechi di appel y peer y e ta bolhe pidi dos mas.

Por José Salinas y Rod Reed

Mas cremosa
Mas rica
en vitamina



Mas pura
Mas sana
Spar etiketanan,
nan tin balor!

Our special cake of the week is:

CHERRY fl. 5.—

Delicious Pies a week-end treat for your family.

Apple, Plum and Strawberry Pie

ROYAL BAKERY
Tel. 1327
Oranjestad

RAINBO BAKERY
Tel. 5064
San Nicolas

tal „cooperacion” Senjor Arubiano. Senjor Arubiano, pueblo Arubiano en general nos lo por sigui cu un tal cooperacion asina pa mas tempoe?? Maske nos ta un pueblo sincero y franco cual no ta gusta di haci baya ni gaba; local nos tin si jen ta dignidad, honor y desencia y nos toer ta desea pa nos junan ecrec tambe den mes virtudesnan ei.

sigui lo guia nos na un victoria pa pueblo Arubiano y cu nunca mas no Arubianoan por forma un mayoría den „cooperacion” pa bin manda y abusa di nos hospitalidad y di nos derecho sagrado di un pueblo limpi y sano.

Un defensor di derechonan di Arubianoan den nan tera

Nos corazon Arubiano herida ta

Acuerdo firma pa Francia i Tunesia

TUNES, 27 aug. — Francia y Tunesia a firma un acuerdo tocante asistencia tecnico, asina a worde informa na Tunes awe mainta. Francia lo dona Tunesia un contribucion di casi 700 million franc (3½ million florin Antilliano). Gobierno di Tunesia lo facilita mes tanto placa.

Indonesia ta cumprando arma rond mundo

DIJAKARTA, 26 aug. — Na Djakarta a worde anuncia, cu Indonesia a compra arma chiquito y equipo, riba base comercial, di Rusia, Checoslowakia, Yugoslavia, Merca Alemana occidental, Egipto y India.

Teniente-coronel Ridy Pirngadie, e portavoz di ehercito di Indonesia, a informa, cu e unico equipo Ruso, cu Indonesia a compra, ta vehiculo di tipo „jeep-type”.

El a bisa cu Indonesia no a compra arma pisa dje paisnan aqui riba menciona. El a compra particularmente arma chiquito y municion.

El a informa tambe cu e lidernan militar indones tin intencion di reduci e cantidad di solda den e ehercito permanente: for di 200.000 te na 80.000.

Pirngadie a bisa, cu Indonesia lo alcanza esaki pa medio di eliminacion di soldanan cu ta mas bieu cu como 35 aña.

REMETIDO

(foi di responsabilidad di redaccion)

Sr. Redactor di Arubaanse Courant perñiti mi un espacio den bo corant tan lesa pa henter pueblo di Aruba pa mi por hala atencion di Sr. „Mi a Lubida”, cu pa un hende lubida no kier meen nada, pasobra awe bo a conta mi un cos ya majan mi a lubida. Pero corda e frase aki semper: A FRIEND IN NEED IS A FRIEND INDEED”. (Un amigo cu ta juda bo den oranan di necesidad esey ta un amigo di berdad). Sr. „Mi a Lubida” bo no ta corda dia cu bo tabata sera na Hotel Dakota na anja 1954, y cu bo ruman tabata pa muri cu un bala den su curpa na hospital di Lago pa un catastrofe cu a pasa boso. Bo no ta corda mas cu a bo a manda bisa bo mama cu busca un manera di tur moda pa saca bo for di e men-

cionado hotel, paquico bo no manda e respondi ey pa bo querida esposa cu e tempo ey no sa na unda ta cuminamento di Oranjestad ni su cabamento. Sr. „Mi a Lubida”, abo por wel a lubida pero ami si cu ta ami mes a companja bo mama pa bay na cas di e Sr. cu bo ta odia asina tanto no a lubida. Bo mama a pidi e Sr. cu bo ta odia asina tanto pa e trata mas cu e por pa bo mama y bo senjora por a haya bo mira pasobra hasta esey tabata prohibi. Y asina a bin pasa cu ta e chauffeur di e senjor cu bo ta odia asina tanto mes a hiba bo mama y bo senjora bay mira bo na Hotel Dakota.

Y ta kende a scribi un carta na e abogado Sr. Van der Meer pa trata boso caso y saca boso liber y toch ta e abogado Sr. Tjen-sie-Fat mester a pleita e caso pasobra Van der Meer ta na Hulanda cu vacante, bo a lubida?

Bo no ta corda cu bo a bisa bo mama si bo ruman muri anto si nan ta bay castiga bo. Gracias cu e no a muri sino ainda lo bo ta pasa bo castigo den prison.

Naturalmente e Sr. cu bo ta odia asina tanto no a juda bo cu placa, pero el a dona bo mama su ayudo personal. Na promer lugar cu su palabranan di consuelo y e speranza cu lo bo no perde bo trabao y manera el a bisa bo mama, asina a socede bo no a perde bo trabao. Corda bo bon cu bo mama a trata tur e caso pa bienestar di bo senjora.

Naturalmente e senjor cu bo ta odia asina tanto y cu bo a ofende asina tanto diadomingo a haya su danki, pero esey no ta nada, hopi bez den nos bida un nubia blanco y bunita ta pasa nos dilanti pero e mes nubia blanco ta spierta nos, prepara boso pa nubianan scur cu ta bini atras. Y tene bo bon cuidao cu fracaso no bati bo sinti atrobe, pasobra e biha aki, ami lo ta prome cu lo bisa bo „HE WHO NEGLECT OLD FRIENDS FOR THE SAKES OF NEW ONES ARE RIGHTLY SERVED WHEN THEY LOSE BOTH.” (Eun cu nenga amigonan cu e tabata tin pa motibo di amigonan cu el a haya awor a haya su pago merece ora e perde tur dos).

Senjor Redactor: Masha danki pa e espacio concedi na mi y pa e Sr. „Mi a Lubida” corda BON cu e Sr. cu bo ta odia asina tanto no ta otro sino nos gran lider di PPA. Un Madikero PPA del alma cu no sa come y lubida ki-ko el a come.

REMETIDO

(foi di responsabilidad di redaccion)

Senjor redactor di „Arubaanse Courant” permitimi un espacio den bo corant tan gusta aki na Aruba pa fabor, pa mi expresa mi sentimento.

Mil gracias p’e fabor concedi. Na prome luga mi ta dona pueblo Arubiano un fervoroso pabien cu su grandioso y glorioso despertar, cual a culmina den un optocht te ainda nunca visto aki na Aruba.

Hende ta bisa „mejor tarde cu nunca”.

Awor cu Arubianoan a weita cu nan mes wowo y a experimenta personalmente cu tin un gran maldad sembra den pueblo door di cierto movicion politico pueblo su pasenshi a cuba y Arubianoan lo rarka e maldad ei afor cu raiz cu toer.

Mi a para weita un grandioso optocht di e unico berdadero partida di Arubiano pasa den cajan di Aruba. Corazon di toer berdadero Arubiano y tambe di esnan no Arubiano cu ta sympatiza cu decencia, respet, justicia y verdad, tabata rebosa cu orgujo y satisfaccion.


E demostracion di pueblo Arubiano ei a habri wowo di toer Arubiano y di otro hende decente cu algo ta fatal aki na Aruba ya ta casi cuater anja Caba.

Hopi hende no Arubiano, ariba suelo Arubiano a demostra claramente, sin la menor duda, y sin equivocacion posible cu nan no ta tolera pa Arubianoan haci uso di nan derecho di nativo den nan mes tera.

Entre otros insultos na Arubianoan den nan mes luga cual Arubianoan mester guli manda abao e siguiente relato verdadero ta un di nan.

Durante optocht na San Nicolas (Village) un no Arubiano di mala fe a ranka un bandera for di nan di un Arubiano Cual tabata den e optocht, su consontunan ta bai haci mas aleu consontunan ta bai haci mas aleu m’a para weita y scucha.

A sosode anto cu e tipo ei a benta e bandera di partida di pueblo Arubiano, Abao, trapa ariba dje manera hende sa limpia pia riba un mal di porta y exprese asina „Asina nos lo trapa ariba boso Arubianoan”. Ata, pueblo Arubiano fruta di un



Aki ros ta mira e M.G. 1093 cu a dal tras di e auto A-4499 riba e boulevard nobo. Cabez di e chofer J. D. a kibra e windshield di e manera aki.



Esaki ta loke a resta di e baril cu senjor Kemmink a pone pa proteha e matanan di coco chiki cu a worde planta algun dia pasa, pero cual no a logra resisti e golpi cu e la hanja di A-4499



Semper nan ta bisa cu ta jen, amigo? Quizas bo mester di un desodorante pa homber.



MENNEN

Atomizador desodorante pa homber

Si nan ta saca curpa pa bo, ta pasobra tin algo.... Pa bo ta bon riba tur caminda i pa bo ta sigur di bo mes enter dia, pues usa diariamente e desodorante MENNEN pa homber. Especialmente pa homber, e no ta falla nunca pasobra:

1. E ta controla odor.
2. E ta contene Persmator, ingrediente especial cu ta neutraliza olores anormal eficientemente.
3. E tin un fragancia discreta, fresca i masculina.
4. E ta proteha den un manto i ta proteha enter dia.



TROPICAL BOTTLING CO. OF ARUBA N.V.

De wnd. Commissaris van Politie op Aruba

MAAKT BEKEND

dat het Keuringslokaal, alsmede de bureaux van de Vreemdelingendienst en de Speciale Diensten op maandag 1 september 1958 voor het publiek GESLOTEN zullen zijn.

Saboria un glas di Cerbez sin igual.... ORANJEBOOMBIER....

Air Condition your home

Bo ta kere?

— Caballero, ya ta di tres biaha e aman aqui cu bo ta yega laat. Si fami t’abo lo mi a queda cas henteramente!

— Al meneer, si mi t’abatin sigur cu lo bo manda mi salario tur luna pa mi, sigur cu lo mi a sigui bo conseho!

In... MESKER moakt mijn MEUBELN



NO CHANSA CU BO SALUD: BEBE MALTA CORONA



PEPITA


Por CHIC YOUNG



Nan ta jama na porta di adilanti y Lorenzo ta contra cu Sr. Mactugg y esaki ta bisé cu e ta vende, pero Lorenzo ta pidié des-pensa pasobra nan ta jamando tambe, na porta di patras. I ata

Lorenzo ta cuminda un tal Sr. Greco y.... pa casualidad e tambe ta vende. Lorenzo a dicidi di cera nan conoci cu otro. E dos nan a queda tur asombra. Ta cerca cual lo e cumpra awor?

Zie meer van EUROPA!



BEZOEK DE WERELDTENTOONSTELLING IN BRUSSEL—van 17 april tot en met 19 oktober.

Vanuit New York vliegt de PAA rechtstreeks naar een groter aantal voornamelijk Europese steden dan welke andere luchtlijn ook. U kunt op weg naar Uw bestemming in elke stad die U aandoet zo lang als U wilt een stop over maken. Boek Uw passage bij Uw reisbureau of bij de

PAN AMERICAN DE LUCHTLIJN MET DE MEESTE ERVARING TER WERELD

S. E. L. Maduro & Sons, Inc. Aruba: Nassaustraat—Tel. 1735-1736. Generaal Agenten Curaçao: De Ruyterplein 2/4—Tel. 11200-11905

GENIET VAN HET LEVEN! ZIE DE WERELD!

uitvoerige inlichtingen van alle mogelijkheden per boot of per vliegtuig bij kantoren K.N.S.M.

Oranjestad Tel. 1778
San Nicolas Tel. 5296.